



---

Kommunalbestyretsi 29. april 2021 nal. 13:00

---

**Kommune Qeqertalik Kommunalbestyretsi  
04-2021**

Hansen, Ane	IA
Olsen, Peter	IA, sinnerlugu Klaus Lundblad peqataavoq
Broberg, Bia A.	IA
Nathanielsen, Karl Thue	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Jeremiassen, Nikkulaat	S
Sandgreen, Enok	S
Mølgaard, Timooq	S
Jeremiassen, Otto	S
Frederiksen, Ole I.	S
Broberg, Kristian	S
Kristensen, Naja	A

**Ataatsimiinnermi aqutsisoq:** Ane Hansen, IA  
**Allatsi:** Kulunnguaq Reimer Olsen  
**Ataatsimiinneq:** Skypekut

**ULLORMUT OQALUUSERISASSAT**

<b>21-020 Ado Lyng Atuarfia iPadinut tunngasumik Kommune Qeqertalimmik suleqateqarnissaq</b>	.....	3
<b>21-021 Ukioq 2020-mut naatsorsuuitit, Kommune Qeqertalik</b>	.....	6
<b>21-022 Allannguutissatut siunnersuut: Siunnerfik – Suliniuummut ataqatigiissaarisussamik atorfimmik pilersitsineq</b>	.....	7
ATAATSIMIINNEQ NAAVOQ:	.....	9
ATSIORFISSAQ:	.....	9

Oqaluuserisaq	Oqaluuserisassat akuerineqarnerat
---------------	-----------------------------------

**Oqaaseqaatit:**

**AALAJANGERNEQ:**

Oqaluuserisassat akuerineqarput.
----------------------------------

Sag nr.	21-020	Bilag nr.	3	Journal nr.	
Oqaluuserisaq	<b>21-020 Ado Lynge Atuarfia iPadinut tunngasumik Kommune Qeqertalimmik suleqateqarnissaq</b>				

**EQIKKAANEQ:**

Ado Lynge Atuarfia nunatsinni meeqqat atuarfiit assigalugit atuarfik Ipadinik atuartitsissutinik peqalertussaavoq. Namminersorlutik oqartussat Kivitsisap siulersuisuilo suleqatigiinnissamik isumaqatigiissusiorput. Tamannalu malitseqarpoq Ado Lyngep Atuarfiani atuartut sulisullu iPadimik atuinerat Kommunemit aqunneqarnissaat suleqatigiissuteqarnissamik isumaqatigiissusiornikkut anguneqarumaartoq.

**SULIAP SAQQUMMIUNNEQARNERA:**

Kommune Qeqertaliup Ado Lynge Atuarfiatalu suleqatigiinnissaata pingaarnertut imarisussaavaa; Kommune Qeqertaliup skoleIT-inik aammalu Gammeqarfimmi iPad mentorinik ikiortinik sullinneqarnissaq siunnersorneqartarnissarlu. Ado Lyngep Atuarfiani ilinniartitsut iPad mentorinik iPadimiittut APP assigiinngitsut qanoq atorneqartarneranut tunngasunik pikkorissarneqartarnissaq naatsorsuutigineqarpoq. Ado Lyngep Atuarfiani atualertartut inuuniarnermikkut inooqataanikkullu annertusisamik pisariaqartitsisuupput. Meeqqallu atualertartut atuarnerminni sungiusimasartik iPad atorlugu ilikkarniarnerminni sakkugilluartarmassuk, Ado Lyngep Atuarfiata pisortaa isumaqarpoq. iPadip iluani atorneqartartut Kommune Qeqertaliup Kivitsisallu atuartitsinssamut innersuussutai assigalugit iPad immerneqassasoq. Meeqqat atuarfianni iPad atorlugu sungiussisimanertik pissutigalugu Ado Lynge Atuarfianut atuleraangamik ilinniarnerminni iPad sungiusimasartik amingaatigisarpaat. Taamaattumik tulluarsorinarpooq Ado Lynge Atuarfiani Ipadinik atuartitsinermi atuilernissami meeqqat atuarfianni iPadip iluaniittut atuarlutik atortagai APP-it assigiinngissaat.

**ANINGAASATIGUT KINGUNISSAI:**

Ado Lynge atuarfiata Ipadinik sullinneqarnissaamut akiliutaasartussat Ado Lyngep Atuarfiata akilertassuai. Ado Lynge Atuarfianit siunnersuutigineqarpoq sullinneqarnermut ukiumut ataasiarluni kr. 25.000 Qeqertalimmut akiliuteqartarnissani naatsorsuutigaa. Kommune Qeqertaliup sulisorisaanut iPadimut sullinneqarnermut sulisut qaangiuttoorneranut akiliutit isigineqassapput. Ukiumut akiliutaasartussaq ukumiit ukiumut aamma nalilersorneqartarnissaa pingaartutut isiginiarneqarpoq. Naatsorsuutigineqarpoq ukioq atuarfiusoq siulleq siunnersorneqarnerunissamik pisariaqartitsisoqarumaartoq.

**INATSIT TOQQAMMAVIGINEQARTOQ:**

Sukumiisumik INATSISIT toqqammaviusut

Atuarfik pillugu Inatsisartut inatsissisaattut siunnersuut nr. 15, 3. December 2012-imeersoq

- Immikkut ittumik atuartitsineq aamma allatut immikkut perorsaanikkut ilinniartitsinikkullu ikorsiisarneq
- § 15. Atuartut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerat tunniunneqarsinnaanngippat, immikkut atuartineqassapput allatullu annertusisamik immikkut perorsaanikkut ikiorserneqassallutik.

Imm. 2. Atuartut atuarfimmi, imm.1 malillugu, naammattumik ikiorserneqarfigisinnaanngisaminni atuartuusut, atuartut angerlarsimaffiini, atuartunut inissiani atuarfinniluunniit najugaqarfiusuni immikkut aaqqissuussani § 25-mi eqqaaneqartuni najugaqarnissaminnik neqeroorfingineqassapput.

Imm. 3. Immikkut atuartitsineq aamma allatut immikkut perorsaanikkut ikorsiineq malitarisassanik Naalakkersuisut aalajangersagaannik tunngaveqarluni aallartisarneqassapput,

taamaaliornermi malittarisassat §§-ini 7, 8, 10, 11, 12, 13, 14, imm. 2 aamma 22, imm. 1-6-  
imi eqqartorneqartut sanioqqutaarneqarsinnaapput.

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.

Inunnut Innarluutilinnut Sullissivimmi Nunamut Tamarmut Atuuttumi piginnaanngorsarneqarneq  
piginnaanngorsaqqinnejnarnerlu.

- § 44. Inuup piginnaaneqarnerminik attassiinnarnissaanut tamanna annertuumik pingaaruteqartoq isumaqartoqarpas, Inunnut Innarluutilinnut Sullissivimmi Nunamut Tamarmut Atuuttumi inuup innarluutilip piginnaanngorsarneqarnissaanik piginnaanngorsaqqinnejnaraq illu neqerooruteqarnissaq pillugu kommunalbestyrelse aalajangiisinhaavoq, matumani piffissami killilimmi najugaqarnissaq ilanngullugu.
- § 45. Kommunalbestyrelsit tapersuineremi iliuusissat suut tunniussinnaaneraat imaluunniit tunniutissaneraat pillugit maleduagassanik erseqqinnerusunik Naalakkersuisut aalajangersaassapput, matumani ilanngullugit:
  - 1) inuttut ikiorteqarneq isummersorneqarnerlu,
  - 2) Sungiusarneqarneq,
  - 3) atortorissaarutit ikuutaasut,
  - 4) ingiaqateqartitsineq,
  - 5) inigisap aaqqissugaanera,
  - 6) qamutit motoorillit,
  - 7) ataatsimoortunik angallassinermik aaqqissuussineq,
  - 8) aningaaartuutaanerusut,
  - 9) Suliffissaqartitsinermut, sammisassaqartitsinermut katerisimaaqateqarnissamut neqeroorutit aamma
  - 10) pikkorissarneqarnerit ilinniartinnejnarillu, matumani qanigisaasunut ilanngullugu.

**INASSUTEQAAT:**

Allattoqarfimmik Kommune Qeqertalik & Ado Lyng Atuarfianik suleqateqarnissaq akuerisassanngorlugu inassutigineqarpoq.

**ILANNGUSSAT:**

Ilanngussaq 20-01 Ado Lyng Atuarfiata pisortaata allakkiaa

Ilanngussaq 20-02 Kommune Qeqertalik Ado Lyng Atuarfiallu i Padimik suleqatigiinnerminni isumaqatigiissutaat.

**AALAJANGERNEQ:** Ataatsimiitaliaq Inuit ulloq 14. April 2021 ataatsimiinnerminni aalajangernerat:

Inassuteqaat akuersissutigineqarpoq.

**AALAJANGERNEQ:** Ataatsimiitaliaq Inua ulloq 21. April 2021 ataatsimiinnerminni aalajangernerat:

Akuerineqarpoq.

**AALAJANGERNEQ:**

Akuerineqarpoq.

<b>Suliap nr.</b>	<b>21-021</b>	<b>Ilanng. Nr.</b>		<b>Journal nr.</b>	
<b>oqaluuserisaq</b>	<b>21-021 Ukioq 2020-mut naatsorsuuitit, Kommune Qeqertalik</b>				

**UTEQQIINEQ:**

Ukioq 2020-mut naatsorsuuitit naammassipput. Naatsorsuuserisut massakkut aningaasartuutinut nalunaarsukkat kingullit nalunaarsortussanngorpaat, taakkuli naatsorsuuitit inernerannut annertuumik nikisitsissanngillat. Kukkunersiusup naatsorsuuitit kukkunersiorlugit aallartissavaat, kingusinnerusukkullu naatsorsuuitit oqaaseqaasiorfigissavai kiisalu kukkunersiusutut uppernarsaat nassiutissavaa.

**SULIAP SULARINEQARNERA:**

Kommunit Namminersorlutik Oqartussat missingersuutaat naatsorsuutaallu pillugit inatsisartut inatsisaat nr. 26 28. november 2016-meersoq naapertorlugu INUA naatsorsuutinik kommunalbestyrelsimit saqqummiisussaavoq, takuuq § 42.

Naatsorsuutinut nassuaatit kingusinnerusukkut saqqummiunneqassapput.

Kommunalbestyrelsip naatsorsuutinut nassuaatit isummerfigissavai aamma naatsorsuutini immikkualuttut malitseqartinneqassanersut isummerfigissallugit, tamatumalu kingorna naatsorsuutit kommunalbestyrelsip kukkunersiusunut Naalakkersuisunullu ingerlatissavai.Takuuk §42 imk. 2

Utaqqiisaagallartumik ukioq 2020-mut naatsorsuuitit ataatsimiitaliaq INUA-ni, ulloq 21. April 2021 akuerineqarput.

**ANINGAASATIGUT KINGUNISSAI:**

Ukiumut naatsorsuuitit inernera tassaavoq 23.4 mio. koruunit aamma aningaasat tigoriaannaat 72.4 mio. koruuniupput.

**INATSIT TUNNGAVIUSOQ :**

Kommunit Namminersorlillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq.

**INASSUTEQAAT:**

Allattoqarfip Kommunalbestyrelsimit inassuteqaatugaa naatsorsuuitit tamakkiisumik naammassisok saqqummiunneqartoq akuerineqassasoq.

**ILANNGUSSAT:**

Ilanngussaq 21-01 Regnskab for 2020

**AALAJANGERNEQ:** Ataatsimiitaliaq Inua ulloq 21. April 2021 ataatsimiinnerminni aalajangernerat:

Akuerineqarpoq.

**AALAJANGERNEQ:**

Akuerineqarpoq.

Suliap nr.	21-022	Ilanngussap normua	Journal nr.
Eqqartugaq	<b>21-022 Allannguutissatut siunnersuut: Siunnerfik – Suliniummut ataqatigiissaarisussamik atorfimmik pilersitsineq</b>		

**EQIKKAANEQ:**

Kommunalbestyrelse ulloq 25. Februar 2021 ataatsimiinnerminni suliaq “21-007 Siunnerfik – Suliniummut ataqatigiissaarisumik atorfimmik pilersitsineq” (ilanngussaq 20-01) akuersissutigivaa.

Atorfimmut pineqartumut allattoqarfik allannguutissatut siunnersuuteqarpoq.

**SULIAP SAQQUMMIUNNEQARNERA:**

Siunnerfik – suliniummut ataqatigiissaarisussamik atorfimmik pilersitsinissaq ataatsimiititaliaq Inua ulloq 17. Februar 2021 ataatsimiinnerminni akuersissutigisimavaat, malitsigisaanik kommunalbestyrelsimi ulloq 25. Februar 2021 aamma akuersissutigineqarluni.

Pisariaqartitsinermik nalilersuineq aallaavigalugu allattoqarfimmuit allannguutissatut ima siunnersuuteqartoqarpoq:

Ataqatigiissaarisutut atorfipiup akuerineqareersup saniatigut piffissap ilaannaani atorfimmik (deltidsstilling) ilaneqassasoq.

**ANINGAASATIGUT KINGUNISSAI:**

Allannguutissatut siunnersuut akuerineqarpat, akissarsiassatut aningaasartuutit amerlinissaat aningaasatigut kingunerissavaa. Aningaasatigut kingunissat atorfik siullermeerluni saqqummiunneqarnerani aningaasartuutissat naatsorsuutigineqarsimasunit amerlanerussapput. Siullermeerluni akuerineqarnerani t.kr. 500 tikillugu ukiumut aningaasartuutaasussatut inissinneqarsimasoq, t.kr. 750 tikillugu aningaasartuutaasussanngussaaq.

**KINGUNISSAT:****INATSISITIGUT TUNNGAVIUSOQ**

Soqanngilaq.

**SULIAP SULIARINEQARFIA:**

Kommunalbestyrelse

**INASSUTEQAAT:**

Allattoqarfiup ataatsimiitaliaq Inuanut inassuteqaatigaa:

- Siunnerfik – ataqatigiissaarisutut atorfimmik pilersitsinissaq piffissap ilaannaani atorfimmik (deltidsstilling) ilaneqarnissaanik siunnersuutigineqartoq akuersissutigineqassasoq.
- Akuersissutigineqarpat kommunalbestyrelsimeut ingerlateqqinnejassasoq.
  - Kommunalbestyrelsimi akuersissutigineqarpat atorfik inuttassarsiunneqarluni aallartissasoq.

**ILANNGUSSAT:**

Ilanngussaq 20-01: 21-001 Siunnerfik – Suliniummut ataqatigiissaarisumik atorfimmik pilersitsineq

**AALAJANGERNEQ:** Ataatsimiitaliaq Inua ulloq 21. April 2021 ataatsimiinnerminni aalajangernerat:

Akuerineqarpoq.

**AALAJANGERNEQ:**

Akuerineqarpoq.

**ATAATSIMIINNEQ NAAVOQ: 14:19****ATSIORFISSAQ:**

Hansen, Ane \_\_\_\_\_

Lundblad, Klaus \_\_\_\_\_

Broberg, Bia A. \_\_\_\_\_

Nathanielsen, Karl Thue \_\_\_\_\_

Aronsen, Hans \_\_\_\_\_

Petersen, Thomas \_\_\_\_\_

Kristensen, Niels \_\_\_\_\_

Jeremiassen, Kristian \_\_\_\_\_

Jeremiassen, Nikkulaat \_\_\_\_\_

Sandgreen, Enok \_\_\_\_\_

Mølgaard, Timooq \_\_\_\_\_

Jeremiassen, Otto \_\_\_\_\_

Frederiksen, Ole I. \_\_\_\_\_

Broberg, Kristian \_\_\_\_\_

Kristensen, Naja \_\_\_\_\_